

S P E C I M E N,

Tum Inscitiæ, tum Malitiæ,

detectæ;

IN

Calumniis, & Mendaciis,

Partim

STEUARTII furibundi,

Partim

REVII iracundi,

PER

PHILALETIUM ELEUTHERIUM,

ATHENIENSEM.

~~_____~~

~~_____~~
~~_____~~
~~_____~~
~~_____~~

Heerebont

DICÆOPOLI.

Apud Verinum Candidum, & Justum Pacium, socios.

Ad interfigne Pilei. 1648.

Vera Libertatis ergo.

Philalethius Eleutherius Atheniensis

LECTORIS S.D.

Postquam pulverem excussi triviale, animamque ad gravia applicui studia, reboventer me cepit atque unice oblectavit Philosophia: Occulto scilicet insinuat atque interno motu ad veritatis indaganda studium in hoc usque tempus mirum in modum me pertraxit genius meus: atque ut illam veri inveniendi cupidinem explorarem, sedulo primum in Græcia, Patria mea, Philosophia incubui: sed enim quia legeram, veteres gentis meae Philosophos, Pythagoram, Anaxagoram, Empedoclem, Platonem, Aristotelem, aliosque, quos ibi sapientiam omnis mundi atas miratur ac veneratur, longissima olim in Aegyptum, Indiam, Persiam, Indiam, ad Sacerdotes, Magos, Gymnosophistas suscepisse itinera, ut Philosophiam, qua sola rerum naturalium docet veritatem, ab illis addiscerent, ad horum exemplum componere me volui, & varias videre terras moresque hominum. Perperinatui itaque sum per Italiam, Hispaniam, Germaniam, Galliam, Angliam, & ubicunque potui, undecunque, magno studio atque industria in natura veritatem inquisivi. Placuerat mihi semper illa Philosophandi methodus, qua solius naturæ & rationis luce subnixæ, solute & libere in vero exquirendo versatur: eam tamen non fuisse usitatam in locis, quæ peragraveram, deprehendi. Autoritas enim potius ibi denominabatur quam ratio, & inventa jam consuebantur ab Aristotele & interpretatibus veritates non invenienda. Audi veram sæpi de libera Batavorum Rep. & gentem illam multa pro libertate olim fuisse perperatam, atque etiamnum ita ejus amantem ac tenacem, ut non nisi cum vita eripi eam sibi patiantur. Intellexeram in Batavia solo florere Academiam, toto nunc orbe celeberrimam, nec solum infimam Academiam Platonis aut Aristotelis Lycei, ipsamque urbem Academia sedem nunc alteram dici Athenas, ac Batavas.

Ad hanc ergo bonæ mentis adu, & magnarum animarum Prætorum, me contuli, plenus spei, fore, ut in gente libera liberior foret Philosophandi methodus, quam in Hispanica, etiam Aristotelica, tyrannidis iugum excussisset. Cumque ibi perperam, quæ partim falsi nunciam, comperi, ac divisum istic tenere imperium, tum libertatem Philosophandi, tum servitutem. Vnum ex Philosophorum ordine ita alligatum & adstrictum scholasticorum nugis deprehendi, ut extra eas nihil sciret, & circa naturæ veritates veraque principia, omni talpa esset cæcior. Alter mihi fuit compertus esse ingenii facilis, liberi, ac versatilis, & qui non assentiret nisi iis, quæ vera esse, ratione duce, cognovisset, & qui assensum cohiberet ab iis, quæ vel incerta, vel falsa esse, eadem ratio demonstrasset. Huic me Philosopho, quod præter Philosophiam, candorem, ingenium, & apertum profiteretur animum, in disciplinam dedi multumque ab eo didici. Prior ille Aristotelicus audit, nec est tamen: hic est, nec audit tamen, sed novitius sero & novator, quod novas interdum veritas, quas scrutanda invenit, in medium proferat. At quis non sic novator audire malit quam innovator? Cum hic meus Amicus & Præceptor bene de me meritis famosis quibusdam libellis nuper impeteretur, iis, ne à seriis abstraheretur Meditationibus, ego pro ipsa obviæ ire volui, atque innocentiam ejus tueri: quæ patebit legenti hosce in *Vindicias Stenartianas* & *Adspersionem Galumniarum Revianæ* Commentarios ac Notas.

PHILALETHII ELEVThERII
ATHENIENSIS,

Nota ad Vindicias

Disputationum

ADAMI STVEVARTI,

DE DEO,

Contra Professoris non inglorii infamem libellum.

Ad titulum p. r. l. 4. *Infamem libellum.*

Infamis dicitur, qui ob vitium aut turpitudinem aliquam male audit, *anp. 6.* Græce, cui fama parum est secunda aut integra. Vox ea proprie de hominibus dicitur, quia in eos cadit, fama, nomen, existimatio bona vel mala. At Colloga tuus, Professor est non inglorius, ut scribis ipse, quomodo ergo infamis simul? Et, *certe aliquod nomenque decusque*, gessit & gerit adhuc in Acadēmia patria, quam non pudet sui alumni ac nutritii: Thesium & corollariorum libellus infamis dici nequit nisi per *Metonymiam effecti*, quia aliquem infamem reddit. At quem? an *scribentem*? qua ergo infamia eum affecit? quam labem ejus nomini adpersit? *quod acrior sit addita prafatio*? At ista acrimonia opus erat ad retundendum calumnie jam grassari ceptæ virus. Malis inveterascentibus quærenda sunt remedia extirpantia omne pus. Duro nodo durus convenit cuneus. Non debet impune esse alicui, ut quævis opinionum portenta & monstra fingat & affingat viris honestis sub generali & indefinito Neotericorum Philosophorum titulo. Individuum illud vagum erat determinandum. Non ita grassandum in bonorum famam, quæ iis juxta vitam est chara. Talis genius sine ulla infamia scribentis acriori calamo perstringi potest. Sed fortasse infamem reddiderit *alium* Thesium & Corollariorum libellus? at quem iterum? an eos, quos calumniari, asserit & mentiri? At si calumniari & mentiri publice scribatur, qui utriusque reus est, per scribentem redditurne infamis, ac non potius per seipsum? non reddidit infamem Iudam Scriptura cum furem eum,

non Herodem cum vulpem ipsum, non Phariseos cum Hypocritis illos, verum
sed ipsi suis vitiis, furto, fraude, Hypocrisis, nominis boni famam sibi falsulam
Videat *Vindictiarum author*, an sibi integra sit fama ac constet, an iis bene audiat,
an non sit infamis, qui novit, quæ se inter & *Ren. D. Molinenum* aliosque *Sedani*
olim sint gesta, quomodo, &c.

Turpe est Doctori cum culpa redarguit ipsum.

Pag. 1. lin. 13. *Cl. Collega meo semper (nolis velis) amore complectendo.* Lin. 26.
Quanta possum animi moderatione placide refellam. Pag. 2. lin. 10. *ut Philosophum*
deceat, cum Philosopho placide disputabo. Quo amore Collegam (nolentem
volentem) complexus fuerit *Vindictiarum Author*, quam moderate ac placide ege-
rit, quam protestationi contrarium sit factum, quomodo fidem ultro hic datam
fregerit, ideoque nullam amplius mereatur, totus loquitur unius *alii libellus*: sed
speciatim vide titulos & elogia, quibus pro amore Collegam orna-

Pag. 1. Non infiliam in infilientem in me *viperam*. Ibidem. non recalcitrabo
asino calcitranti. Pag. 5. Si servus Dominum & Apostolus Christum, quid mirum,
si frater fratrem & Collega Collegam eodem pretextu *prodideris*? pag. 6. lin. 30.
Deo contradicere non vereris. Pag. 7. Multi sunt Neoterici Philosophi, qui-
bus nomen *Legio* est, aut esse debet. Pag. 8. lin. 33. *perexiguum aut nullum cum*
bonis Angelis claritati tuæ est commercium pag. 9. lin. 20. & 35. *puerilem & insul-*
sum disputatorem. pag. 13. lin. 5. *te impudenter hic mentiri.* lin. 19. *per sacras*
conscientia tuæ reliquias. ibid. l. 36. non tamen tibi aut malo genio cedam. pag.
14. lin. 12. tuum ridiculum figmentum & *diaboli* inventum quo recta ad *Atheis-*
mus sternitur via. pag. 16. l. 16. &c. Hæc sunt *sacra* amoris tui in Fratrem
& Collegam emblemata. Credisne Deum esse, qui videat, quam hic perfide il-
ludas *Vindictiarum* tuarum lectoribus, sed & crede *Vindicem* fore tuæ perfidiae &
falsitatis.

Pag. 1. lin. 23. *Dogmata ad Atheismum ducentia, Religionem orthodoxam ever-*
sentia, & Pontificiam stabilientia. Quæ sunt ista? si Vir es, ostende, D. Professor,
pœne dixeram, Calumniator primarie. Provocat te *tuus Collega*, ut in arenam hic
secum descendas, pedem pedi jungas. Experire eum quem juvenem tories & pue-
rum vocas. Si ætate sit inferior, non item ratione erit. Nemo propter ætatem te
contemnat, dixit Timotheo Paulus. Sed hic mos est tuus & multorum hodie tui
similium, ut quæ palato non placent vestro, quibus vulgaris eruditionis fama vestra
non nihil imminuitur, ea statim *Heterodoxia, Atheismi, Blasphemia, Papismi, Pela-*
gianismi, convitiis proscindatis: At ista calumniandi impudentissima consuetudo
& stolidi iudicii præcipitantia, à quibusvis, etiam ignorantissimis, exerceri potest,
indigna maxime iis, qui Christiani audire volunt & viri boni, aut etiam Lumina
inter eos & ornamenta censer. Sed ad horum criminum ex sui libelli thesibus aut
Corollariis probationem te iterum lacescit *Collega* tuus, quem si contempnas, me-
cum age. Ego ipsius vicem lubens subeo.

Pag. 1. lin. 25. *De hac secta.* Quia hoc sectæ nomen mirifice tibi placet, &
in sinistram à te accipitur partem; Disce, nomen *secta* & *aprior* honorifice in-
terdum sumi, & bene capi & male. *Collega tuus* Veritatem solam sectatur; nulli
unquam

inquit se mancipat: nullius nomen fert: multum quidem aliorum iudicio tri-
buit, aliquid & suo. Ejus sic est ratio & sic animum inducit suum, Philosophis ac
sapientiz studiosis, quos inter se libentissime proficitur nullius sectæ nomen esse
usurpandum, nisi forte *Pythagoræ Alexandrini*, qui circa ævum vixit *Imperatoris*
Antonini, ac scholam aperuit *ἐκκλησίαν* electivam, de qua in proœmio *Diogenem*
lege *Laërtium*: in hac schola & secta, quicquid *Platonici*, *Epicurei*, *Aristotelici*,
Stoici, *Ramei*, & *Cartesiani*, & quicunque unquam extiterunt Philosophi atque
etiamnum existunt, docuere, posuere, protulere, docent, ponunt, & proferunt, eli-
gitur, seligitur, accipitur, quando & quamdiu rationi fuerit compertum ac compro-
batum. Hujus sectæ & scholæ homines, si quid in *Platonis* Dialogis occurrit commo-
dum vel utile, id sibi colligunt: si quid in hortis *Epicuri* extet bonum, id corrādunt:
si quid melius *Aristoteles* vendat aut *Stoici*, id assumunt. Si quid apud *Telephum*, *Patri-
tium*, *Campanellam*, *Vivem*, *Ramum*, *Verulamium*, *Cartesium*, inveniatur boni succi ac
saporis, id apicularum instar, tanquam mel quoddam suavissimum in alvearia sua
comportant. De hoc genere *sectariorum* & *Hæreticorum* tuus est *Collega*, & sic Hæ-
retici ac sectarii nomen non reformidat, & patitur te esse sectarium & sectæ Prin-
cipem tuo sensu. Artem parasitandi quibusdam, inquit *Gnatho* apud *Terentium*
in *Eunuch. Act. 2. sc. 2.*

Vt sibi liceret discere de me: SECTARI jussi.

Si potis est, tanquam Philosophorum habent disciplina ex ipsis

Vocabula, Parasiti item ut Gnatonici vocentur.

Neque tuus tibi *Collega* invidet, ut qui te *sectantur*, & ex tua sunt *disciplina*, ar-
temque discunt calumniandi. *Steuartiani* nuncupentur. Neque ægre fert sectam
tuam insuper *Aristotelicam* dici, nam ad hanc proxime accedit: ejus enim Princeps
quoque *Aristoteles* strenue *Platonem* & veteres ante se Philosophos calumniatus est,
quod præter alios à *Patritio* in *Discuss. Perip.* & nuper à *Gaudensio* in *Aristotelico*
Veterum contemptu, satis est demonstratum. Ita optime conveniunt Philosophia ac
secta *Aristotelica* & *Steuartiana*: nec ovum ovo similis est, quam hæc illi. Quam
vero studueris, *Philosophus Primarius*, primatum aliquem & sectæ Principatum
tibi comparare, quanta animorum inter studiosos eum in finem divortia institueris,
ego, postquam Græcas reliqui Athenas & in Batavas commigravi, atq; hic substiti,
satis vidi, & viderunt alii: sed liceat tibi *verum libere* dicere *Philalethio Eleutherio*,
qui utcumque *Græcus* sit non tamen mentietur. Dolui ego, doluerunt alii, te *Archi-
Philosophum* ad istam *τὴν δόξαν* grassatum fuisse viis obliquis calumniandi & con-
vitiandi, ac nomen quæsiuisse, irruendo in nomen honestum Collegæ, illud si
posses, omnibus modis subruendo.

Page. 1. l. 28. & 29. *Cum hic causam Dei ago, non rependam injuriam pro injuria.*
Tunc Dei causam agis, nec injuriam rependis? cum *linea* seq. *vipera*, & mox *asino*,
& postea *Juda proditori*, &c. Collegam comparas. Vbi mens, ubi pudor? ubi quam
ore crepas, conscientia? Detestandum est genus hominum & hypocritarum, qui
Dei causam prætexunt, Dei nomen adjurant, conscientiam semper testantur, clan-
culum interim aut aperte, proximum suggillant, calumniantur, lædunt. De quibus
vere dicitur: *simulata sanctitas duplex iniquitas*. Et quæ est hæc argumentatio

l. 13, D. *Philosophi* ? Non recalcitrabo *Asino calcitranti*, multo minus *Viro Celeberrimo*. Imo contra, quia *Asino calcitranti* non est recalcitrandum, maxime respondendum est homini, & *Viro Celeberrimo*: nam ab *asino* nihil est rationis quod expectes, ab altero contra.

Pag. 2. l. 1. & 5. *Stercus retorquere*.] Quis unquam *stercus* torqueri dixit & retorqueri? Vah! Foetet vox & oratio tua tota, aliquot lineis! Phi! Iam foetores nares legentis opplet.

Pag. 2. l. 2. *Fringas & ringas*.] Repetis pag. 12. & 13. Quia *Gracus* sum nec *Latine* satis fortasse novi, doce me, quæso, quid significet vox *fungas*: nam in *Calapino* meo & *Cornucopia Perotii* non invenio: forte vocabulum est *Scoticum*.

Pag. 2. l. 15. *Inventutem novitia quadam Philosophia infectam*.] Mirum, ni peccati originalis aut veneni instar sit *Philosophia*, ut inficiat mortalium animos! Sed quænam est ista *Novitia Philosophia*? An *Cartesii*? At, mi homo, quam erras, si sic existimas. Illa est omnium antiquissima: nam ejus principia cum ipsa *Natura* sunt nata. Nihil agnoscit ille *Philosophus* in corporibus naturalibus, nisi figuras, magnitudines, motum, situm, extensionis varios modos. Intellexeram in *Gracia* mea jam ante bis mille & amplius annos, ante ipsius *Aristotelis* tempora, non fuisse explicatas corporum naturas, proprietates, operationes, per alia principia, quam per corpuscula quædam minuta, variis figuris prædita, variam magnitudinem, situm, ac motum habentia. Et fuit talis fere *Philosophia Democriti*, qui *Aristotelem* tempore antecedit. Sed enim, quis negare audeat, à prima creatione corpora exitisse magnitudinis ac figuræ inter se diversæ? Quis negare audeat, corpora moveri? Ista & sensibus percipimus & imaginatione & intellectu. At hæc sunt Principia quibus nititur in explicandis corporibus iste *Philosophus*. Neque modus Philosophandi, quem sequitur, *novitius* est; nisi *Mathematica* demonstrandi ratio novitia sit. Sed tibi omne illud novum est, quod non capis, seu capere nolis, seu non possis.

Pag. 2. l. 17. *Hæc stulta dogmata examinaveram*.] Heus tu! Quomodo existimasti stulta esse dogmata, & quæ nulli homini, cui sanum sinciput, in mentem venire possent, si nondum examinaveras?

Pag. 2. l. 19. & seq. *Præcognita*.] Quæ hic vocas *præcognita*, & statim, *prodigiosa opinionum portenta*, ea nec præcognita sunt omnia novitiæ *Philosophiæ*, sed maximam partem, conclusiones demonstratæ, nec portenta prodigiosa, quia nihil insolitum futurum portendunt, sed veritatem. Quod statim subjicis, ea esse à *Collegæ tuo Clarissimo* per *Academiæ* disseminata, in eo crimen falsi committis; aliquot tantum eorum pro Disputatione interdum ventilari passus est. Præterea, neque omnia quæ recensentes sunt novitiæ *Philosophiæ* dogmata, sed quædam falso ei adscribuntur. Falleris vehementer cum Aphor. 7. *Non satis accurate loquuntur, qui dicunt, Myſteria in sacris revelata, fide tantum teneri*. Et 16. *Sola hominis forma est substantialis, reliqua autem omnes modi, vel*, ut alii volunt, *Accidentia*, refert inter *Philosophiæ* novitiæ seu *Cartesianæ* Aphorismos: nam 16. nec novitium, sed *Aristotele* vetustiore, nec *Cartesii* solius, sed multorum ante & post *Aristotelem* *Philosophorum*, esse, ita demonstravit quatuor disputationibus, hoc anno circa finem *Januarii* habitis, *Collegæ* tuus, ut de eo dubitari amplius non possit. 7. vero Aphorismis,

risus, & te ex annexis *Disp. de Philosophandi ratione* 1644.22 Mart. 2. *De diffinitione hunc*
 verba divini Pastore in pago Tevisch, D. Jacobo Soutarjo, habitus & conscripta, de-
 sumtus, nihil quicquam habet cum Philosophia novitia aut *Cartesi* commune: sed
 est ipsa mens antiqua *Philosophorum & Theologorum saniorum*: quod discere potes
 ex *prima solutarum Disp. Vossii, de ratione humana in rebus fidei*. Et docebo te, si
 nescis. Distingue inter rationem qua & ex qua cognoscimus. 1. Illa est facultas,
 potentia, & vis hominis, qua aptus est natura ad aliquid apprehendendum, compo-
 nendum vel dividendum: & probandum: hæc sunt effata & placita rationis atque
 axiomata à Philosophis cusa. Ratio hic sumitur sensu primo. 2. Fides consideratur,
 ut assensus adhibitus testimonio & acceptio rerum propter Autoritatem testan-
 tis: sic sane est actus rationis: sicuti compositio & divisio aut discursus: nec op-
 ponuntur fides & ratio. 3. ut est habitus infusus seu principium vitale: sic rationis
 est quædam nova vita, rationem præparans ad divini testimonii autoritatem reci-
 piendam. 3. ut fiducia innitens meritis Christi ad justificationem: sic est actus vo-
 luntatis. Quæcunque Ratio per se ex rebus abstrahit & imbibit, componit ac di-
 vidit, & quæ ex istis præcognitis per Syllogismum concludit, ea dicitur *scire*:
 Quæcunque ex eloquio alieni testimonii recipit & enunciata legit, ea dicitur *cre-*
dere: si ex revelatione accipiat divina, dicitur fides divina. Sic *Myseria*, qua fide
 tenentur, ratione tenentur, quatenus assensus, qui iis præbetur, actus est rationis:
 nam cujus, quæso, facultatis esset? Et, si placuisset inspexisse, quæ sequebantur
 annexa, hoc ipsum non tibi fuisset *dictum*. *Nihil tenetur fide, nisi &*
ratione teneatur, prout ratio significat id, quo scimus, non, ex quo scimus. Ratio est
qua credit, & non credit, nisi cognoscat, quia fides est notitia.

Pag. 3. l. 22. *Tam validis singula erant confirmata a rationibus, &c.* Quam hoc
 falso gloriaris, omnes, qui tres illas tuas Disputationes viderunt, iudicent: in qui-
 bus, ut semper, argumentorum numero certas, non pondere: nam apud te,

Et qua non profunt singula, multa juvant.

P. 4. l. 2. *Tres stolidi.* Non tres illi, sed universa juvenus Academica, quæ præ-
 sens adfuit, turpiter te ob invectivas tuas, debacchationes in Doctiss. Oppon. & fu-
 rores tuos, explosit. Cur stolidos hominas, *sapientissimo Damna*, quorum duo lit-
 teratissimi, & tertius, licet *quosdam*, ingenii felicitate paucis cedit. Si bene novi
 illos, uti aliqua mihi est cum illis consuetudo, possent illi tres de ingenio cum tri-
 bus *Steuartii*, *Patre*, *Filio*, & *Filiolo*, facile certare, & iudicio, etiam unus,
 longe superare.

Pag. 4. l. 11. *Namquam nisi invitus faciam.* Quia non nisi invitus turpiter te
 dabis: neque enim potes aliter, quam cum mendacio & calumnia nominare illos
 Novitios Philosophos.

Pag. 4. l. 24. *Rogavit me Cl. Collega meus, ut eam horam ipsi concederem.* Nisi
 Graculus essem, phrasim tuam corrigerem, & loco *T*, ipsi, sibi, scriberem. Sed vapu-
 lat tibi identidem *Priscianus*. Vid. pag. 6. l. 42. *Noto te D. Professor nota Solertissimi.*
Syntax. Voss. Si reditur ad nomen tertia persona, quod antecedit, reciproco utimur.
 Rogat te D. Collega ut ne se calumniaris amplius.

Pag. 4. l. 38. *Inhumaniter à Collega meo exceptus esset.* Tuus ille Studiosus
 falso

falso conqueſtus eſt: dixit enim Collega tuus, ipſius eſſe, ut ſequeretur ſui ſententiam Praſidis; nihil in horam ipſi eſſe iuris: ſi horam mutare placeret Praſidi, ipſi eſſe obſequendum. Ille tandem cauſatus eſt in patriam ſibi redeundum eſſe, & oſi ante meridiem diſputaret, commodiſſimam occaſionem elapſuram; eſſe enim eodem die ſibi abeundum Amſterodamum: nauſam Hamburgentem poſtridie ſoluturum: quæ ipſa per Epistolam Senatui Academico expoſcere non puduit: cum tamen pedem extra urbem poſtea non extulerit; atque ita turpi mendacio & Collegæ, & toti Academico ordini impoſuerit, cuius mendacii non decet te eſſe patronum.

Pag. 5. l. 12. *Duabus Epistolis, quibus famam meam proſcindere ſatagit.* *Cretensem* te eſſe exiſtimarem, niſi te *Scotum* ſcirem: ſed licet non ſis, eum tamen agis: ita egregie *reſpondeo*. Diſputationi Collegæ tui, præfixa fuit *Epistola Reſp. ad Amicum Dedicatorem*, innoxia plane & in qua nullum eſt iota quod te ſpectat: nec præſatio te ferit, ſed *maiorē* hanc ponit. Quicumque non explicatis titulis venenata linguæ ſpicula projicit, iſ eſt Calumniator. Tu convictus propriæ conſcientiæ teſtimonio, facis *minorem*.

Pag. 5. l. 30. *Ego contrarium pluribus argumentis, in meâ de Deo Diſputatione prima, quibus Vir Clariffimus reſpondere non poteſt, oſtendi.* Furor iraque mentem ita tuam excæcavit, ut glorieris ineptus Thraſo ratiunculas tuas ſolvi non poſſe & Collegæ tuo; ſi vim earum ita metuiffet, periculo ſe non expoſuiſſet publicæ ignominia cum hoc Corollarium contra eas poſuit. *Quæſtio comparata eſt. An ex 36 Argumentis, quorum titulos, ut ipſe loqueris, attigiffi magis quam propoſuiſti, validiſſimum ſit, quod à teſtimonio conſcientiæ petitur, an vero nervoſius, quod petitur ab ordine cauſarum.* Negus prius, affirmas poſterius. 1. *Quia argumentum à teſtimonio conſcientiæ non valet in foro externo contra Aſtheum cui ignota eſt viri boni conſcientia.* Reſp. Non requiritur teſtimonium conſcientiæ ſemper viri boni, ſed præſertim mali, non tantum fidelis ſed & infidelis: nam & mali & infideles oſtendunt opus legis ſcriptum in cordibus ſuis *συμμετρίως*. NB. *αὐτὸν ὃ οὐκ ὁρίσκει, & cogitationibus ſeſe mutuo accuſantibus aut etiam excuſantibus.* Rom. 2. 15. In genere, omnis hominis conſcientia teſtatur, Deum eſſe. 2. *Quia argumentum ab ordine cauſarum in foro ſimul externo & interno Aſtheum convincet.* Reſp. At quomodo convincet, niſi ejus vis cognoscatur atque comprehendatur? At non cognoscitur aut comprehenditur ab omnibus. Propone homini plebeio & rudi, ut illud vulgo ex Ariſtotele, Thoma, & Scholaſticis proponi ſolet, vide an ſit ejus vim percepturus: At conſcientiæ vim omnes, velint nolint, perſentiſcunt. 3. *Quia certior demonſtratio ſpeculativa qualis poſterior, quam practica qualis prior.* Reſp. Imo contra, demonſtratio practica ex teſtimonio conſcientiæ qua Deus cognoscitur, certior eſt, quam ſpeculativa, qua ex ordine cauſarum idem eſſe evincitur, quia terminus mediſ ibi certior eſt quam hic, quod ex Reſp. Cartes. ad obj. prim. p. 114. diſcere poteſ. 5. *Quia poſterius non modo certius, ſed & evidentiſſimum ſaltem in diſputando.* Reſp. At alterum certius, & evidentiſſimum eſt in vivendo, & apud eos valet, qui nunquam diſputant. 6. *Quia teſtimonium conſcientiæ magis hominem ipſum, cui ineſt, convincit, quam alium.* Reſp. At, quia omni ineſt, omnem convincit; & ſi quis ſit extremae iſtius impudentiæ, ut excutere velit, non tamen poteſt.

potest. Quod ergo apud omnes valet est validius & nervosius eo, quod apud paucos. *Excipis* Pag. 6. l. 5. *sic esse facilius sed non firmitus.* Resp. Cum sermo est de demonstrationibus, ut hic; quæ est universalior, & ejus vis à pluribus percipitur, ea est & faciliior, & firmitior, & nervosior aliâ. *Excipis.* *Contradici Paulo Rom. 1. 19. 20.* Resp. At vero, an Paulus ibi unum argumentum pro notitiâ Dei naturali altero esse efficacius, & pro te pronunciat? Apostolus ait, *gentes illas, quas dixerat veritatem in injustitiâ detinere,* vers. 18. *esse inexcusabiles,* vers. 20. *quia, quod de Deo cognosci potest,* sc. naturaliter, *manifestum est in illis,* id est, ipsorum animis. Probat hoc duplici ratione. 1. *Nam Deus manifestum fecit iis.* Hæc est notitia Dei naturalis insita & subjectiva, à testimonio conscientiæ: 2. *Nam ipsius invisibilia jam inde à condito mundo ex rebus factis intellecta pervidentur, æterna ejus immensa potentia, tum divinitas.* Hæc est notitia Dei naturalis acquisita & objectiva, à rebus creatis, motu & ordine causarum. Hæc mens est Apostoli, juxta *Bar. am* in *Notis*, *Gomarum* in explic. ejus loci, *Alting.* Probl. 1. & *Interpres* N. T. ubi hic est aliquid pro te aut contra Collegam? Disce melius argumentari, bone vir.

Pag. 7. lin. 11. *Mulsi sunt Neoterici Philosophi quibus nomen Legio, aut est, aut esse debet.* Alludis ad locum *Marc. 5. 9.* & *Luc. 8. 30.* ubi *Spiritus impurus*, qui hominem obsederat, rogatus à Christo quod sibi esset nomen, Respondit, *Legio* mihi nomen est, quia multi sumus. Siccine vero? *Neotericos Philosophos Legionem* vocas? eos non nisi Diabolorum & impurissimorum spirituum confluxum & grandem facis numerum? Hæcne ex ore tuo, à calamo tuo, profisciscuntur, Vir sancte ac propemodum *Puritanus*? Hæcne puritatis tuæ & sanctimonix sunt specimina? *Qui dixerit fratri suo, Raca, tenebitur confessus, qui dixerit Fatuus, tenebitur gehennæ ignis.* *Matth. 5. 22.* Quæ te ergo manent judicia, qui Fratrem ac Fratres, Neotericos Philosophos, vocas Diabolos & Diabolorum Legionem? Legio decem constabat cohortibus, habebatq; peditum sex millia centum, equites septingentos triginta. Totidem tu *Dæmones* inesse ais *Neotericis Philosophis*? atque etiamnum te Calumniatorem dici, ægre fers? *Parens ista viris, &c.*

Pag. 7. lin. 28. *Deum Immortalem testor.* Etiam per Deum juranti non habetur fides: ita eam hisce Vindictis prostituisti ac perdidisti.

Pag. 7. lin. 24. *Cum sis questio facti.* Hoc unicum est in toto libello tuo Vindictiarum quod possit dici sanum, quod bene distinguas inter *questionem facti* & *juris*. Nulla hic est *questio juris*, ut loqui solemus. Non est controversum, inter te & tuum Collegam, An sit in totum sensibus diffidendum, & de omnibus dubitandum, an negandum sit, Deum esse, an verum sit Infantes in utero Matris habere actualem Dei notitiam, an Deus sit causa efficiens vel conservans sui ipsius? *sed est questio facti.* An dentur tales Neoterici Philosophi, qui ista asseruerint. Hoc affirmas Professor Physicæ & Metaphysicæ in disp. 1^a. de Deo. Negat Collega. Affirmanti tibi incumbit probatio.

Pag. 7. lin. 34. *In opinionibus tuis adeo sis inconstans & varius, ut ex disputationibus liquido constet.* Didicit hoc tuus Collega non diutius se adstringere opinioni, quam ratio eam probat: & experitur sæpe ingenii vires, quousque ratio eum ducere valeat. Vbi tamen aliquid clare ac distincte percepit, circa id sententiam non mutat.

Vbi ex dubitationibus emerfit, non relabatur in eas. Et distingue Disputationes, quas facit Author, & quas Praeses tantum sustinet in his varius est & inconstans: nec id sibi dedecori, sed laudi putat. Sic enim plus discit, quia plus inquit. Componas te ad ipsius morem & bene feceris: sed vereor ne frustra moneam: Nam,

Qua Iuvenes didicere sensus dediscere nolant.

Hedwig.

Pag. 8. l. 6. *Novis Deus virum quendam ex tua secta, &c.]* Contigit mihi homini peregrino ista felicitas, de qua mihi impense gratulor, ut aliquam cum viro isto (quem verissime dicis merito suo celeberrimum) contraxerim amicitiam, qui an *insitae* esse à natura infantibus in utero matris *notitias Dei actuales*, contra te sustinuerit, rogatus negat. Oportet mendacem esse memorem. Quid si Vir iste doctissimus, dixisset, *infantibus in utero matris actu inesse notitiam Dei*? Errassetne tuo iudicio? At hoc non est idem cum eo quod tu fingis, esse in infantibus in utero matris actualem Dei notitiam. Quid si aliarum rerum ideas dicantur inesse actu infantibus? putasne sequi inde infantes statim res illas cognituros? Distingue, *Magister distinctionum*, inter esse actu & esse *actuale*. An non in Geometria dormiente est actu scientia rerum Mathematicarum? non tamen *actualis*. Idearum rerum possunt esse in mente humana actu, ut tamen res non cognoscantur actualiter: quia deest attentio & adversio aut animadversio, qualis in infantes non cadit. Quid si quis *Paradoxologus*, dicat, non Dei tantum, sed omnium omnino rerum ideas menti humanarum innatas? Anne concluderes, Infantes in utero matris omnia cognoscere? Sed prius illud non dabis. Verum putasne res ipsas per sensuum organa sui ideas imprimere menti? explica igitur, quomodo idea trianguli in mente oriatur, cum figura ista sensus ferit; an per motum istum nervorum nascitur? ac non potius excitatur tantum? Neque vero sunt ideas istae innatae, notiones aut axiomata diversa à mente. Nulla rationi connascuntur axiomata complexa, nullae notiones menti nascenti sunt insertae: nec infans cognoscit hanc notionem, *Deus est*, nec hoc axioma, *totum est majus sua parte*; nec hanc enunciationem, *triangulum habet tres angulos*: attamen est in mente, incomplexa quaedam vis & potentia naturalis formandi axiomata, quaedam ex se, citra ullam rerum per sensus observationem, uti, *Deus est*, quaedam per experientiam adjuta, & quasi promota, à rebus extra se, quae occasionem menti praebent istam vim in actum deducendi, & ideas sui non indunt; sed latent quasi exsuscitant. Sed quo vehor? totus abreptus sum. Ad te redeo, D. Philosopho: *Collega tuus*, si dixit p. 8. l. 12. *Socinianum esse, notitias insitae negare*, verum dixit. Vid. *Soc. in praefat. c. 2.*

Pag. 8. l. 33. *Perexiguum est claritati tuae cum bonis Angelis commercium.]* Ergo cum malis. Nam rogasti, unde Collega hoc haberet, quod scripserat, an à bono aut à malo aliquo genio? non à bono, assumis. Ergo quid superest? Hic iterum prodixi te, quanto amore & fraterna charitate complectaris Collegam, quam placide cum eo agas, quam non sis calumniator & mali genii socius. Sed transcant haec cum ceteris erroribus.

Pag. 9. l. 5. *Reliqua 14. non ausus es attingere.]* Quam solum cuique pulcrum! Quam placet simi deformis foetus! Argumenta tua 14. aut laborant ignorantie Elonchi, aut petitione principii, aut falsam substernunt hypothesein: quod, qui legunt,

gunt, jam vident, & rident tuam imperitiam, etiam bimestres Philosophi ac pueri. Verum argumentum penitus examinemus: sic argumentaris: *Si illa nobis immata Dei nativitas* (cur non dixisti idea, ut dicere debueras) *vel est infusa, vel acquisita: si prius, non est naturalis, vel à natura infusa.* Negat tuus *Collega* hanc sequelam: neque enim pugnant ipsi, esse *infusum*, & esse *naturale* seu à natura insitum. *Infusum* dicitur illi id omne, quod nec essentia est subjecti, nec pars ejus, nec ab alterutra fuit immediate, nec actuum frequenti exercitio est acquisitum. *A natura insitum* esse est hic, quod ab ipso nativitatis & naturæ productæ momento originaliter inest, non vero quod à naturæ principis emanat. *Naturale* est hic ei, quod in natura est eique ut subjecto penitissime infixum, quod naturam ornat, perficit, juvat, & naturale est subjecti complementum, quod naturaliter propagatur, & naturali generatione communicatur, & ut terminis tuis, in quibus tua omnis consistit eruditio, hoc efferam: *Naturale* ipsi hic dicitur *subjectivus, perfectivus, propagativus*: non vero *constitutivus*, quod naturam constituit, nec *consecutivus*, quod eam immediate consequitur. Reliquæ enim hujus vocis, *Naturale*, distinctiones, quas ex *Armandi de Ballo* visu, aut *Castanai* Distinctionibus, aut *Goelenii* *Lexico*, infarcis p. 10. nihil huc faciunt. Sic jam infert tuus *Collega*. Si id quod est infusum non sit naturale, subjectivæ, perfectivæ, propagativæ, originaliter, ergo iustitia, quæ vulgo dicitur originalis, non fuit naturalis istis 4. modis, quia fuit infusa, id est, nec fuit essentia hominis, nec pars ejus, nec ab alterutra immediate fluxit, nec actuum frequenti exercitio est acquisita: alioquin tolli non potuisset sicuti fuit sublata à primo homine & est à nobis. At vero hæc fuit naturalis, & subjectivæ, quia rectitudo ista actionum motuumque, & dotes illæ corporis, animæ, potentiarum, fuerunt in natura ut in subjecto; & perfectivæ, quia ut naturæ primi hominis convenient eam perficiebat iustitia ista & rectitudo; & propagativæ, quia naturali generatione fuisset propagata; rectus enim & iustus Adam genuisset rectos & iustos liberos: originaliter, quia fuit primo homini concreta. Ergo id quod infusum est, id est, nec essentia subjecti, nec pars essentiae, nec aliquid ab ea emanans, nec actuum frequenti exercitio acquisitum, simul est naturale & à natura insitum. Responde hic ad majorem si potes, vel minorem tui *Collega*, *Professor* respondens. Sic peccatum originale, eadem terminorum significatione, est & naturale & infusum in nobis, & infusum à parentibus dicit *Corol. 3.* tui *Collega*. Ut mirum sit, quod ausis tam aperte mentiri, & quod admirationem omnem superat, invocato Dei nomine, cum exclamas p. 9. l. 37. *Dic mihi per Deum immortalem, quis unquam, qui terminos tantis, proprio peccatum originale habitum à Deo infusum seu supernaturale (quomodo habitum infusum à me hic accipitur) vocaverit: hac ratione secundum te Deum erit Author peccati.* Noli tam temere Dei nomine uti, aut abuti potius. Vbi locorum dicit *Collega* tuus, peccatum originale esse habitum à Deo infusum sive supernaturalem? dixit esse à parentibus infusum & naturalem habitum. Et ostendi jam pro ipso: utrumque hoc optime dici & bene convenire. Aperte hic impingis in 3. & 9. Decalogi præceptum. Vide insuper, an non insignis sit Calumnia, cum pag. 10. lin. 5. dicis *Collegam hinc novitati studere in Theologia.* Nosti pag. 9. lin. 42. *Grammaticus & oratoris* dici, peccatum originale à parentibus in liberos transfundi:

fundi: sed infusum dicat, tuo iudicio, sola balbutiens Philosophia. Quantum te ob-
 veris in Grammatica & oratoria, elegantissima omnes docuit, quam cum primo in
 Academiam adventu, habuisti, oratio inauguralis, docet hic nunc libellus: &
 qui parentes transfundunt in liberos originalem labem eandem infundunt. Miseret
 me tui, Grammaticæ, Rhetor, Philosophæ, omnium eminentissime.

Pag. 12. l. 31. *In veritatem fringas & ringas.*] Hic iterum Grammaticæ tuæ &
 oratoriæ luculentum edis specimen. Interim ad Corol. 4. tui Collegæ ita 6. para-
 graphis te geris, ut causæ tuæ defectum significes, & herbam porrigas: mones
 eum, ne contra conscientiam suam disputet: Tu hoc mones, & ipse contra con-
 scientiam agis? quod ex hoc libello satis est ostensum.

Pag. 13. lin. 5. *Deum mihi testem esse.*] Et si millies verbis Deum testem invo-
 ces, te non injurium esse in Neotericorum Philosophorum famam, nomen, con-
 scientiam, dum ista opinionum monstra eis affingis, nec tamen eos nominas, pro-
 testatio tua apud nullos te à calumnia liberat: Et præstaret non ita te esse prom-
 tum in invocando Dei testimonio: hoc etiam hypocritæ solent facere, ut eorum
 hominibus sancti videantur: interim non te purgas.

Pag. 13. lin. 19. *Adjuro te.*] Videris ex Philosopho factus exorcista: qui enim
 incantationibus quibusdam Dæmones allicit, adjurare dicitur aliquem, & Græcis
 meis ἱερουργεῖν. Nam si adjurare significatione sumitur qua simplex, absque accu-
 sandi casu fere poni, in scholis didici. Terentius:

Adjurat se non posse absente Pamphilo jurare.

Pag. 13. lin. 19. *Per sacras conscientia tua reliquias.*] Utinam tibi tam integra
 foret conscientia tua quam est Collegæ tui: non sic egisses aut scripsisses.

Pag. 13. l. 29. *Apud Authorem tibi familiarem,* pag. 117. &c.] Hic demum
 citas Authorem aliquem ut te purges. Cur non in antedecentibus citasti? sed veri-
 tus es, ne deprehendereris esse malæ fidei homo & *υπερβολικός*, uti hic nunc depre-
 henderis. Hic nunc omnis impudentiæ laxas claustra. Vbi frons? redi ad pudorem,
 propudium hominis! Scribis inveniri in *Cartesii Medit.* pag. 117, 118, 119, 120.
Deum esse sui causam efficientem & conservantem, idque non modo negative sed &
positive, idque non nimis improprie. At vero, famosissime Domine, quem honoris
 causa non nomino, te esse crassum Sophistam, & committere Sophismata à dicto
 secundum quid ad dictum simpliciter, docebunt, quæ subjicio, Authoris verba.

Pag. 117. *Admitto aliquid esse posse, in quo sit tanta & tam inexhausta potentia, ut*
nullius unquam opa eguerit, ut existeret, neque etiam nunc egeat, ut conservetur: at-
que adeo sit quodam modo sui causa, Deumque talem esse intelligo: nam quemad-
modum, etiamsi fuisset ab aeterno, ac proinde nihil me prius extitisset, nihilominus
quia considero temporis partes à se mutuo sejungi posse, atque ita ex eo, quod jam sim,
non sequi, me mox futurum, nisi aliqua causa me quasi rursus efficiat singulis mo-
mentis, non dubitarem illam causam, quæ me conservat, efficientem appellare: ita,
etiamsi Deus nunquam non fuerit, quia tamen ille ipse est, qui se conservat revera,
videtur non nimis improprie dici posse sui causa. Vbi tamen est notandum, non in-
telligi conservationem quæ fiat per positivum ullum causæ efficientis influxum,
sed tantum quod Dei essentia sit talis ut non possit non existere. An non hoc idem
est,

est, quod tui dicunt Scholastici, *Existentiam esse de essentia Dei*. Quibus verbis si res fuisset à *Cartesio* proposita, nihil venisset culpandum. Pag. 118. nihil invenio, quod finistre possis interpretari. Pag. 119. & 120. Hæc tibi verba erunt reprehensioni obnoxia, quia in te nigra est *succus leliginis atque Erugo mora*. Quamvis enim dicere non opus sit, illum, sc. Deum, esse causam efficientem sui ipsius, ne forte de verbis disputatur, quia tamen hoc, quod à se sit, sive quod nullam à se diversam habeat causam, non à nihilo sed à reali ejus potentia immensitate esse percipimus, nobis omnino licet cogitare illum quodammodo idem prestare respectu sui ipsius, quod causa efficiens respectu sui effectus, ac proinde, esse à seipso positive. Et paulo post: Imo etiam hic addam, quod tamen ante non scripsi, illam causam, in qua tantum potentia est ut rem extra se positam conservet, tanto magis seipsam propria potentia conservare, atque adeo à se esse. Quod tamen non sic esse capiundum, ut tu accipis cum aliis parum candidis, quasi Deus se conservet, ut res alias, influxu positivo, doceat resp. quartæ ad obj. pag. 267. Quod Deus sit à se positive & tanquam à causa, ubi tamen intellexi rationem, propter quam Deus non indiget ulla causa efficiente ut existat, fundatam esse in re positiva, nempe in ipsamet Dei immensitate, qua nihil magis positivum esse potest: illa vero probat, Deum à se non produci, nec conservari, per positivum aliquem causæ efficientis influxum, quod plane etiam affirmo. Vide nunc *Theosin tuam* §. Diss. poster. & obtestor te, admirabilis Philosophæ, per sacras conscientie tue reliquias, an non vere dixerit tuus Collega, Coroll. 6. te audacter & calumniari & mentiri. Nam vel inspexisti, & legisti hæc verba, vel non: si posterius, est falsitas Logica, & thesisi tua imputat *Cartesio* quod non est: si prius, est falsitas Ethica, & verum ac merum mendacium; & thesisi tue imputat *Cartesio*, quod non esse in ipso scivisti: quicquid sit, inspicere & legere tenebaris totum Authorem, ut ex vero ei opinionem talem affingeres: itaque est, ut lenissime dicam, ac termino tibi admodum grato, tuum interpretative mendacium. Sed cur non legisti verba p. 272. ubi verba initio p. 117. statim posita repetit, & explicat: *Vbi verbum, sui causa, nullo modo de efficiente potest intelligi, sed tantum quod inexhausta Dei potentia sit causa sive ratio, propter quam causa non indiget: cumque illa inexhausta potentia sive essentia immensitas sit quam maxima positivum, idcirco dixi rationem sive causam, ob quam Deus non indiget causa, esse positivam: quod idem dici non posset de ulla re finita, quamvis in suo genere summo perfecta*. Et, ut tibi sociisque calumniatoribus os occludatur, pag. 273. Itaque possum nitro admittere, quæcumque à *Viro Cl.* afferuntur, ad probandum, Deum non esse causam efficientem sui ipsius, neque se conservare per ullum influxum positivum, sive per sui reproductionem positivam, quod solum ex ejus rationibus efficitur: sed, ut spero, etiam ille non negabit, immensitatem illam potentia, propter quam Deus non indiget causa ut existat, esse in ipso rem positivam, nihilque ejusmodi, quod sit positivum, intelligi posse in ullis aliis rebus propter quod causa efficiens non egent ad existendum, &c. ludicent omnes, qui th. §. tuam viderunt, & legerunt hæc verba *Cartesii*, si ne calumniatus ac mentitus, necne. Nullius hic tribunal, ne iniquum quidem si esse velit, quia non potest, hic reformidat tuus Collega: cui hoc facere exprobras, quod *Cartesius* sit Author ipsi familiaris: profecto multa se ex eo didicisse, & quotidie plura addiscere,

non semel mihi inter sermocinandum confessus est, & conquestus est sepe, quod non liceat per vocationis onera ipsi se reddere familiariorē.

Pag. 13. l. 50. *Hos Authores nominare est contra Illustr. & Ampl. Curatorum mandata.* Intellexi ex tuo Collega, solius *Cartesii* vetitum esse nomen ne nominaretur; sed insuper, ne de ejus opinione, vel sententia disputaretur: quod cum feceris, te iudice, perjurii reus es, quia iuramento fidem te præstiturum D. Curar. Mandatis, ut ipse hic refert, promissisti. Nomina ergo alios præter *Cartesium*, quem falso te citasse demonstravi, si potes: Hoc enim tibi interdictum non est. Quæ apud te sequuntur ista pag. & ad finem tuarum Viudiciarum, signa sunt motus mentis & animi perturbati.

Pag. 14. l. 12. *Ridiculum hoc figmentum, & Diaboli inventum, quo recta ad Atheismum fertur via.* Hæc epitheta & encomia attribuis omnium præjudiciorum rejectioni: nec denudandam esse mentem omnibus præjudiciis, a te probatum pluribus argumentis, quæ Collega tuus solvere, nec possit, nec auster. Sed, Professor gloriose, una est omnium solutio: laborant quippe omnia ignorantie elenchis: nec enim adhuc scis, quid præjudicii voce significetur. Docebo ergo te. *Præjudicium* est, iudicium de rebus sensibilibus habitum per sensum solum ante plenum perfectumque rationis usum: quia enim sensus longo tempore exercent operationes suas, antequam homines ad rationis usum perveniant, & ubi in pueritia ad eum qualemcunque pervenerint, possident eum imperfectum ac semipernum, donec ad ipsam ætatis aut juvenilis aut virilis *ætas* adscenderint, quo tempore rationis suæ sunt maximè compotes, hinc est, quod multa existant in hominibus de rebus sensibilibus iudicia, solo sensuum ductu accepta, quæ sub incudem & examen rationis nunquam sunt vocata: atque ex istis iudicant postea homines *divalibus*, & à contrario de rebus insensibilibus & spiritalibus: atque hæc iudicia, merito vocantur *præjudicia*, quia præhabentur, antequam rationis seu mentis iudicium fuerit advocatum. Atque hæc iudicia ita præhabita, ac necdum à rationis iudicio examinata, incerta sunt, quia ab incerto profecta principio: quare merito de iis dubitatur: & quia omnes sic discimus, solum sensuum ductum secuti, omnis nostra cognitio à sensibus hausta incerta est, ac merito suspecta: à qua incertitudine & fallitatis suspicione, ut liberemur, quæcunque hoc modo & medio didicimus, cognovimus, scimus, & quæ iudicia sic de rerum sensibilibus essentiis ac naturis tulimus, ea ut dubia, & incerta, imo ut falsa (nam talia esse possunt, & quis scit an non sint, quamdiu rationis iudicio & examini non fuerint subiecta) merito rejiciuntur, eo fine, ut certiora iudicia in eorum locum substituuntur ac surrogentur. Quare dubitatur de iudiciis ante factis, non ut semper dubitemus, sed ut ad maiorem certitudinem assurgamus. Atque hic duæ sunt notandæ hypotheses. 1. Poni aliquem jam rationis & iudicii firmari, qui per sensus didicerit ab infantia quæcunque cognovit, ut omnes solemus, ad istam usque ætatem, qua compos plenissime rationis est factus. 2. Quæri, cognitionem certam rei existentis an & quæ ac qualis sit, & cognitionem veritatis incomplexæ, non complexæ. Talium itaque præjudiciorum everfio, figmentum est ridiculum, Diaboli inventum, & via ad Atheismum & ov impudens. Imo nonne via potius est ad immotam cognitionis certitudinem

certitudinem? Hæc paucula distant omnium tuorum argumentorum fumum.

Pag. 14. l. 16. *Cum tam fastuosa omnium Academicarum Theologorum sententiam despicias.*] Quam das operam, suavis homo, ut Collegam cum omnium Academicarum Theologis committas. Hæc est methodus cryptica tibi & sociis usitata, ut quodcunque non accipitis, statim ad id denigrandum, Theologorum opem imploretis, qui id statim horrendum, impium, Atheum, blasphemum, pronuntient ac proclament. Sed quis eos Dictatores fecit & Iudices in Philosophorum quæstiones.

Pag. 14. l. 21. *Vno verbo tibi respondeo falsum esse, quod dicis.*] Quam eleganter sic omnia solve, D. Praeses, quæ obijciuntur, & brevi defunctus fueris.

Pag. 14. l. 21. *Nonne notitia Dei insita proprie significat insitum cognoscendum.*] Ego jam te docui, si, Philosophorum maxime, doceri te pateris, ad pag. 3. l. 6. *Vindictæ tuarum*, esse hoc *ergo* *videtur*. *Didicisti* debes.

Pag. 15. l. 5. *Ab auctoritate humana.*] Nunc Calvinii testimonium est infirmum tibi argumentum, & ipse eo es usus in hisce *Vind.* pag. 6. l. 26. Quo tibi licet, uti non licet Collega? Egregie vero!

Pag. 15. l. 6. *Ergo nascus tuus est in loco minus mundo & minus honesto, quem vocant.* &c.] Proh pudor! tam spurca proficisci ab homine præter propter sexagenario, Professore Prima Sapientia! verum fatebor: nisi præfixum vidissem *Adami Stenarti* nomen huic vindictiarum sædo ac foetenti libello, à scurra quopiam ex trivio profectum fuisse credidissem. Siccine depudere didicisti? Præcepta lege de urbanitate & verecundia, lib. 4. *Eth. ad Nicom. Aristotelis* c. 8. & 9. & melius discere.

Pag. 15. l. 24. *Dogma est Pontificium & Lutheranium.*] Sic argumentaris subtilissime D. Professor. Si nascus tui Collega est in loco corporis totali, ergo pars est tota equalis: sed hoc est Pontificium & Lutheranium: ergo, &c. Resp. Concedit tibi totum tuus Collega: neque enim ita insanit, ut dicat partem corporis esse in toto loco in quo est corpus. Vide igitur, qua conscientia citra falsitatis crimen ipsum facis transire in castra Pontificiorum & Lutheranorum? Sed illa est peculiaris tibi ac tuæ ars: qua eadem utentem audiui elapsa septimana filium tuum Magistrum, cum adversus Collegam tuum de *Formis* opponeret, qui cum ab eo, *Potentius naturales quasdam intendi & remitti, secundas nimirum & organicas*, responsum accepisset, illico exclamavit: *Hoc Pontificium est*: sic proprietates tolluntur à subjectis. Est cur tibi glories, quod sic patrisset filius. Sed pergis luculenta hic tuæ Philosophiæ specimina promere. Lin. 25. *Si singula partes corporis sint in singulis locis partialibus. E. totum ratione singularum partium est in pluribus locis partialibus. Ergo idem numero corpus potest in pluribus simul locis existere naturaliter*, quod erat *Corol. Disp. tua* 5. *Maji, 1646. habita.* Sed vero, illuminatissime Domine, non vides pro tua ineffabili sapientia, hic te committere ignorationem Elenchi. Hæc est quæstio, *An unum corpus possit esse in pluribus locis propriis, adæquatis, totalibus*, ut tu loqueris cum Scholasticis, sic, ut quod totum hic est, idem quoque numero sit totum alibi, citra sui divisionem? An non jam vere dixit Collega tuus, esse effugium, quod quæxivisti in locis tuis partialibus? An non statim controversiæ aut ignorasti,

aut

aut perversisti hoc non vident jam omnes? Vident & tident; ac jam debes & fucisti te ludibrium tuis sectariis ac servis, qui rogant ubi mens tua fuerit, cum Vindicias scriberes, & jam exclamant:

Ὁς δὲ παλιν πρὸς τὸν ἐν, ὁ Ζεὺς ἔχ' ἴσιν

Δύο θείας ἀποφασίᾳ διατίθω.

Sed perge Philosophari, lin. 36. Dico tibi me credere, unum idemque corpus in pluribus locis separatim divinam virtute collocari posse. Quem innoxius affricare stude sine causa Papismum ab eo hic te purga. Nunc te commendo Theologis: lixiviam ferant, ut hunc nævum, ne tuos discipulos contagio inficiat, diligenter ex te eluant: ac tunc sacerdoti te ostende, qui maculas abstergere & sordes repurgare solet, ut te consideret, de puritate tua pronunciet ac sententiam dicat. Tu quod hic credis, non credidit Amphitruo Plautinus, cui Sofia non potuit persuadere, domi se esse & foris simul hero adesse. Sic Dialogus se habet. Act. 1. Sc. 1. in Amphitr.

A M. Sceleratissimo audes mihi predicare id,

Domus te esse nunc qui hic ades? S O. Vera dico.

A M. Tun' me, Verbero, audes herum ludificari?

Tu' id dicere audes, quod nemo unquam homo antehac

Vidit, nec potest fieri, tempore uno

Homo idem duobus locis ut simul sit.

Sed explicas hoc tuum paradoxum. Existimo, Deum corpus aliquod, puta, humanum, dimidiare, postea partes à se invicem sejunctas conservare, spirituum effluxum impedire, & animam in utraque parte corporis dimidiatis conservare posse: neque hoc pugnat cum NB. divinarum litterarum monumentis aut Theologorum & Philosophorum nostrorum placitis: addo, facta hac partium separatione, unum hominem in duobus locis separatim naturaliter collocari: denique hoc nullo modo cum nostrorum sed cum Pontificiorum potius Philosophia & Theologia pugnare: si potes hoc oppugna. Resp. Quid vis ut hic Collega tuus oppugnet: An antecadens? Deum sic posse corpus dimidiare & in dimidiatis partibus & sejunctis animam ponere? Sed ille non libenter disputando involat in potentiam Dei ne ab ea opprimatur: verum cedo ac credo tibi, id Deum posse: quæro: sitne futura eadem numero anima, quam Deus ponet, in divisus & disjunctis partibus? hic enim dubito. Hoc primum expedi, & tum argumentabor contra te. An consequens seu consequentiam? Ego pro ipso respondeo, & ἀπολύω & ἀνυπακούω. 1. Nego consequentiam, quia non erit unum numero corpus, imo ne corpus quidem erit, quia non erit continuum: rupta continuitate rumpitur unitas totius corporis: sed doceat me doctor subtilis. Quomodo id quod locis est divisum, & hic & alibi ac non locis mediis, sit unum idemque corpus. Unitas est indivisio; unum essentia habet indivisam essentiam: unum loco habet indivisum locum. Divisum esse & indivisum esse, sunt contradictoria. Corpus unum idemque numero est indivisum: at si pluribus simul sit locis, erit divisum. Ergo simul divisum & indivisum. Tu hac oppugna, si potes. Sed 2. Resp. per concessionem. Nam dato hoc, hominem, dimidiatis & sejunctis corporis sui partibus, unum collocari duobus locis separatim, nihil etiamnum habes: quia quæstio est, de uno eodemque corpore citra ullam sui divisionem spectato. Hæccine tua est Philosophia, qua juventutem imbuis,

quam

quam ita exocularis & in deliciis habes per Philosophia Cartesii? hisce glandibus pascis veritatis alumnos? Si me hominem peregrinum audirent Studiosi, patenter te frui & gaudere tuis ineptiis & infrugiferis speculationibus, & solatione veritatis & minus periculosa ac magis seria quarentent apud tuum Collegam Philosophie fundamenta.

Pag. 16. lin. 31.] *Esse vero a se positive, est, Deum in se esse: quod prius non habebat, influere.* Cita locum ex Cartesio, qui phrasi ista est usus, ubi hic sit sensus & explicatio ejus. At quæ ad pag. 13. lin. 29. *Vindic.* protuli loca, plane contrarium significant. Quare & hic iterum veritati parcit. Si vera loca ex Cartesio ante allata conferantur cum locis Baronii, Calvini, & Patrum, videbit universus orbis quam impudenter & falso exprobrat Collega tuo; eos falso esse ab ipso citatos: quare ut cum hic etiam à tua liberem calumnia, non detrectabo laborem in describendis singulorum verbis. Sic loquitur Baronius *Barc.* 1. art. 2. par. 3. *Si quis quærat, unde tamen sit, quod Deus existat & non possit non existere: nulla potest afferri ratio præter hanc unam, videlicet, quia ejus essentia est infinitæ perfectionis, id est, omnem perfectionem in se claudit atque adeo etiam existentiam: unde patet, Deum posse dici in sua essentia existere.* Calvinus *Instit.* l. 1. c. 5. par. 6. *Iam ipsa potentia nos ad cogitandam ejus æternitatem deducit: quia æternum esse & à seipso principium habere, nonnullis ad, unde omnia trahunt originem.* Hieron. *Tom.* 9. in *Epist. ad Ephos.* c. 3. *Et quomodo notum communis substantia, sibi proprium vendicat Deum illa, ut dicimus, causa; quia, cetera, ut finis, Dei summi beneficio: Deus vero, qui semper est, nec habet aliunde principium, & ipse sui origo est, inique causa substantiæ, non potest intelligi aliunde habere quod sustinet.* Augustinus l. 7. de *Trinitate* cap. 1. *Quapropter, quæ causa est illi ut sciamus se ipsi illi causæ esse ut sit.* Augustinus l. 83. *questionum* 15. & 16. *quæst.* *Deum omnium quæ sunt, causa est. Quod autem rerum causa est, etiam sapientia sua causa est: nec unquam Deus sine sapientia sua: igitur sapientia sua causa est sempiterna.* Inducet totus mundus, an non phrasi istæ Patrum longe sint duriores Cartesianæ phrasi, quæ Deus à seipso dicitur esse positive. Inducet Deus inter te & Collegam tuum, qui si hic falsus est, ut non est, erit quoque falsus D. Revius, qui eadem loca ante protulit in eadem causa Analect. *Theol. Disp.* 24. th. 2. sed benigniori interpretatione emoluit in sua adspersione Calumniarum pag. 78. 19. Quam nunc, te dignissimo, pariter commentariis illustrabimus: nam & hoc scriptum, uti tuum, breviculum quoque est. Tuum unum est; hoc sesquifolium. Nosti vero illud:

— Brevis esse labori

Obscurus sibi,

Quare & huic lucem faceremur nostris notis.

Hoc scriptum fuit, quod est in eadem causa.



PHILALETHII ELEVETHERII

ATHENIENSIS,

NOTÆ

Ad

Adspersionem Calumniarum

JACOBI REVII.

I Vbet exordiri hæc Notæ istis apud Terentium verbis :

Quæ in huius hominis remedium inveniam iracundia ?

Loquar ! incendam. Taceam ! instigem.

Loqui tamen visum est, non tacere, ut abstergam Amicæ meo adspersionis maculas.

Pag. 1. *Tibi Ecclesia.* Qui quinque foliorum *Considerationem* suam Deo Patri, nunc sesquifolii *Adspersionem calumniarum Ecclesie Matri*, in injustissimæ sollicitudinis testimonium offert: digna sc. sacrificia, quæ in conspectum Dei & Ecclesie veniant. Præstaret non unius vel alterius diei sed victura Deo & Ecclesie offerre scripta. Verum, quæ seipsam parum commendat, & *Consideratio*, & *Adspersione Calumniarum*, à splendidis dedicationum titulis eam emendicare debuit.

Pag. 3. *Vel nunquam vel non ilico.* Quam magnifice de te sentis: quam præclare loqueris; non hic tantum sed sparsim per totum libellum: sed

Propria laus sordet.

Et,

Nec te collaudes, nec te culparis ipse.

Hoc facinus frustra, quod gloria vexat inanis.

nimum tibi Suffenus er.

Ibid. *Argumentis densa.* Sed quæ dissipantur, in fumum abeunt, & diffantur penultimæ pag. in *Præf. Med. & p. 158. Epist. ad Dinet.* verbis. *Considera diligenter.*

Pag. 4. *Expungi à me aut corrigi posset.* Mera *adspersionis*. Norunt, qui te norunt,

namque, quam ille dux homo cervinis, & bellicis bestis, sedens adest.

Ibid. *Detegam victoriam cessasse.*] *Lactantia & Thrasosunt.* Et triumphum
canis ante victoriam.

Ibid. *Maliobria convitia in charitas miseras confecerint.*] Incipio & te, vixisse
dices.

Ibid. *Crambo recedat.*] Sed quæ inderem tuius Calumniatoribus.

Ibid. *Præfatione hæresit.*] In verbis nihil est horrificum, sed in rebus. Hor-
rendum est, tot vibrare in proximi insons caput convitiatorum & calumniarum
fulmina.

Pag. 5. *Petulantia.*] Petulantia est dicere quod res est? Itane vero? Vni lice-
bit acerbissime calumniari, & alteri non licebit eum calumniatorem vocare, nisi
petolans audiat? Vni licebit falsissime mentiri, alteri non licebit eum mendacem
dicere, nisi petulantiz nota à te notetur. Utinam tu tam liber fores à calumniis &
mendaciis, quam sunt à petulantia, quæ sugillas. *Corollaria.*

Pag. 6. *Lethales Plagas.*] Nondum hæret lateri letalis arundo,

Non oppugnatorem istum

Tempus eget.

Nimium tibi places, & bone: sed ad singulas paginas ac fere lineas recurrit ista
tua *Philautia*. Laudet te os alicuius. Atqui hoc fit quoque: nam

Ibid. *Viri Cl. & Eruditissimi in scriptum meum laudibus evolvunt.* &c.] Illi tibi
palpum obrudunt. Qui sunt isti? ADAMVE fortasse STEVARTIVS inter eos.
Credo equidem: sic malus mulum scabit. Ego alios audi viros, item Clariss. &
eruditissimos; ac cordatissimos, qui tuis adulatoribus non cedunt, longe aliter
iudicantes ac pronunciantes, qui cum *Præfationis* *Authore* maculam tuo nomini
adpersam ista descriptione existimant, quam non abstinere hac absterfione, sed ad-
spergis novis.

Ibid. *Talis est Anonymus.*] Non lucem fugit, nec tenebras querit, sed famam
non captabat nec gratiam, qui præfationem, Amici ac Typographi petitione, scri-
psit, nec nomen suum addere vetetur aut erubescit: verum nec erat necesse, nec
fieri solet, in id genus descriptionibus.

Pag. 7. *Eutilem, cavillatoriam, calumniosam.* &c. *satellitibus convitiis, &c. super-
biam, insolentiam, maledicentiam.* &c.] Hic character est animi tui intemperantis &
impotentis. Pudeat Theologum & senem, falso affricare tot crimina *Præfationi*, quæ
publice extat, & ab omnibus legitur, & criminantem convincit. Istis titulis or-
nari meretur longe majori jure hæc *Adpersio Calumniarum*, quæ te prodit & in
jugulum tuum convitia redire facit.

Pag. 8. *Duplicem manum ac pennam.*] Male vides & male advertis: ita suspi-
cionibus indulges falsissimis.

Ibid. *Nomine suum Dei abusi & proximum injuria afflicere.*] Quam egregie
utrumque præstes, non alio quam *Considerationis* & hujus *Adpersionis* testimonio
est opus.

Ibidem. *Nuperus Theologus.*] Intellige qui Theologicam nuper *Consideratio-
nem* scripsit.

Pag. 9. *Notandum.* Portale solum perfructu. *Ibid.* *Myndicissima.* Excitatur *Consideratio*, & loca que ex *Cartesio* citantur cum *Consideratione* conferantur, ac fiat parallelismus: & facile constabit, nonnullas dicat *Presens*, *Considerationem* & criminationes & calumnias toto projectile libello.

Pag. 10. *Animalia bruta carent sensibus publico profectum.* Quem tu facis *Præsumis* *Auctorem*, in exercitii gratia, quod titulus indicat, disputandum permiserat *Resp.* 1648. mense Iuno hanc inter 41. Theles unum. *Dofia non sentiunt, sed soli homines.* Quod licet paradoxum, à vero tamen non est alienum, si sano sumatur sensu. Qui istam defendunt thesin, illi non negant impulsum fieri corporum & rerum extra bruta collocatarum in organa brutorum (species enim sensibiles non agnoscunt) sed negant illum impulsum in bruta dici debere sensationem, uti quidem dicitur in homine, quia, quæ in homine est, in illis deest perceptio: quæ si deest, jam non est sensio. Sed explicabo id tibi verbis *Cartesii* p. 484. *Med. Tres sunt quasi gradus distinguendi in sensu. Ad primum pertinet tantum illud, quo immediatè afficitur organum corporeum ab objectis externis, quod nihil est aliud quam motus particularum istius organi & figura ac forma mutatio, ex illo motu procedens. Secundus continet id omne quod immediatè respicit in mens, ex eo, quod organo corporeo sit affecto sit juncta, talesque sunt perceptiones doloris, famis, sitis, colorum, soni, saporis, odoris, frigoris, caloris, & similia, quæ oriuntur ex unione & quasi permutatione mentis cum corpore. Tertius comprehendit omnia illa iudicia, quæ occasione motuum organi corporis de rebus extra nos possit, ab inenitente atque facere consuevimus. Primum illud nobis commune est cum brutis, sed hoc non est sentire. Si enim illa sentirent, in quorum organa & partes sit impulsus corporum extrapositionum, quando homo e. c. cum baculo dignoscit corpus figuram, deberet baculus sentire, & ipsa præcipue organa atque corporis instrumenta sentirent, quo nihil est falsius: sed vero postquam v. c. baculus, non per aliquas species intentionales à baculo ad oculum transfunditur, sed per radios luminis ex isto baculo reflexos, quosdam motus in nervo optico & consequenter in cerebro excitationis, oritur sensus aut sensio, ex eo, quod ad istam coloris & luminis ex baculo reflexi perceptionem se extendat mens, ad eam attendendo: attendit vero, quia intus est conjunctus cerebro, ut statim à motibus, qui in ipso fiunt, afficiatur. Hoc non est in brutis, quia mente carent. Quod vero tertio, ex coloris isto sensu, quo afficitur, mens iudicat baculum extra se positum esse coloratum; quod iudicat ex istius coloris extensione, terminatione, ac situs relatione ad partes cerebri, de ejusdem baculi, magnitudine, distantia, à solo pendet intellectu, &c. ubi persequitur fufius, quænam ergo sibi censeantur præiudicia. Ex iis vides, quo sensu, Bruta sentire negentur, quia secundum tertiumque illi deest.*

Pag. 12. *Suppressa.* Manifeste falsum hic scribis: neque enim suppressa *Raffa* *Mingis* & D. D. *Curatorum* autoritate, sed dilata ab octavo & vigesimo die Decembris in Conventum D. *Curatorum* 8 Febr. habendum est disputatio, quod tali formula indicatum est.

Pag. 13. *In Paulum Apostolum.* De eo actum est in *Notis ad Vindic. Stenari.* pag. 6. l. 10.

Ibid.

Ibid. In *Herm. sum.*] Non *Præles* sed *Respondens* fuit istarum thesum in-
throna, cuius hoc est peculium. Deinde illud *offensivè* sumi debet comparatè, ut
sensus sit, argumenti illius quidem vim esse aliquam sed non tam efficacem, quin sit
efficacior vis argumenti à testimonio conscientie, quod in *Nr.* ad pag. 4. *Repl.*
est ostensum.

Fig. 14. *Absurdissima notatur contradictio.*] Nulla est contradictio, quia vox
Idea non sumitur utrobique eodem modo. *Thef.* 1. sumitur *idea* sensu *Cartesiano*
juxta *Tachnomatiam Amosii*, unde *Thesis* erat desumpta à *Rasp.* *Thesi* vero 27. su-
mitur sensu *Cartesiano* juxta *Med. quæ Metaph.* unde illa erat hausta. Contradictio
est secundum idem.

Ibidem. *Multo periculosius.*] Si nihil est periculi in Græca voce *Idæ*, quid peri-
culi esse potest in Latina voce *speciei*, quæ Græcæ responderet. Si enim datur cogni-
tio aliqua ex *idea* Dei, datur per *speciem*: nam quod *Idæ* & *Ido* est Græcè, est *spo-*
ecies & *specio* Latine.

Fig. 15. *Idem nominatus est & verba citata.*] Sed qua fide & sinceritate, qui
eum intelligunt & tuam *Considerationem* legerunt, facile judicant. Et vide *Notas*
Henati dei Cartes pag. 52. deprehendes te mentiri, dum hæc ei affingis.

Ibid. *Immani maledicentia.*] Quam hoc in te quadret, *Adversus* hæc *Calumniam*
non docet, in qua nulla fere est pagina, quæ non sit maledicentia plenissima.

Fig. 16. *Cum negat hoc Philosophis illis, jam Deum esse constantibus, adscribi*
debere, fatetur tempus fuisse cum illud non confiterentur, id est, cum Athei essent.]
Vide iracundia quid possit: quas nebulas offundat & caliginem menti: quam
omnem expellat ex animo judicii integritatem: verba illa, in *Corollario*, *jam*
Deum esse constantibus, procedunt ex hypothesi eorum qui Neotericis Philosophis
falso affingunt, illos, modo Deum negare, modo eum facere causam efficientem
sui: quod postremum, licet falsissimum, eis affingi nequit, nisi concedant adversarii
Neotericos Philosophos jam Deum confiteri, quem tamen negari ab iis, ante sed
falso confinxerant. Quantos vero fluctus in simpulo excitas cum *Corollariorum*
Anthorem cum *Prisciano* committis, ex eo quod, adscribit, legatur pro, adscribunt,
vitio, vel typographi excudentis, vel manus scribentis. Sed vero non exiguam eru-
ditionis tuæ partem esse sitam in emendandis Typographorum mendis, ostendit
Zuarezius à te repungatus, si non erroneis opinionibus, vitis saltem *Typothe-*
tarum; nam in iis tollendis magna notarum pars consumitur: est cur gratias tibi
agat posteritas Philosophica, quod *Zuarem*, quem multum legit, nunc legere
valeat correctiorem: nec dubito, cum recudendus erit, eum proditurum in titulo,
ex emendatione *Jac. Revii*.

Ibidem. *Mentem omnibus præjudiciis denudare, Cartesio est, quæ ante credideris,*
omnia pro falsis habere, ne Dei quidem existentia excipia.] Quantum hic fallas &
fallaris ipse, nisi melius scias, discere ex *Cartes. Met.* pag. 426. & ex *notis nostris ad*
pag. 14. lin. 13. Vind. Staur. Et eadem hic consequentia elicit hic Atheismum,
qua Pelagianismum elicuiisti *disq. 23. rh. 13.* ex verbis *Med. pag. 55.* & non intelle-
ctis, & male citatis.

Pag. 17. *Quia eadem sententia se esse diserte professatur.* Misere me tuæ vel taciturnitatis, vel malignitatis: Lege verba statim sequentia. Negat *Cartesius*, ideas à natura inefficere actuales, negat esse species à cogitandi facultate diversas, sed non negat eas simpliciter esse intuitas. *Vid. Not. Ren. des Cartes* variis in locis & finem *Med. 3^a* & alibi, & nostras *Notas in Vind. Stenart. ad pag. 8. l. 7. 8. &c.*

Pag. 18. *Quæ habes ea expendi ad pag. 16. Not. in Vind. Stenart.* Si *Augustinus* ad rem non videtur citatus, agnosce hic propriam ergo culpam, qui primus citasti. Hactenus mire te oblectasti animalibus, feris & ferescentibus, cæcis & surdis, absconis, noxiis & periculosis, atque adeo venenatis: hos dicendi fosciculos tibi peperit tunica præfationis *Metaphora*. Patior equidem te gaudere solidum hoc gaudium.

Pag. 20. *Monstra hæc aduersus crebra eorum interdicta.* Quæ hic crepas monstra, crepitaculum, ut tuum tibi verbum reponam, quæ interdicta, quam rebellionem? Prodi Sorex, & libera te à mendaciis & maledictis.

Pag. 21. *Omibus aduersariis os capistrandum.* Tibi saltem os est capistratum, & impudentiæ tuæ fraenum injectum. *Cartesius pag. 3. Meth.* non vult suam methodum trahi in exemplum & imitationem. Tu toto libello *Considerationum* contrarium urges & inde absurda deducis. Sed affectus in te perversi omnem recte judicandi potestatem abstulerunt.

Cede locum Cartesi, &c. Quamvis *Cartesi* scripta satis ipsum vindicent ab istis opinionum affectis monstris, nec meo egeat in sui defensione subsidio, & pag. 18, 19. *Nota* satis eum libere, donec contrarium probetur, quia tamen nusquam (quod tibi quidem tam attento *Consideratori* occurreret) hoc scribis ipsi esse dictum, ecce tibi unum pro pluribus locum, in *Ep. ad Div. pag. 13.* nulla dubitationes fuerunt à me propositæ, sed sicut ut ipsas persuaderem, sed contra ut refutarem. Si nunquam dubitationes proposuit *des Cartes* ut persuaderet, ergo nunquam ad tempus de Deo, de sensibus, &c. dubitandum voluit, quia si hoc ad tempus esse faciendum voluisset, aliquas rationes, quibus id persuaderet, protulisset; nunc contra egit, omnes rationes etiam ad tempus, etiam ad momentum dubitandi, refutavit. *Vid. quæ ibi sequuntur.*

Pag. 29. *Deum negare.* Os impudens ac Mendax. Quis ille est? dicit aliqui Philosophus, qui Deum negat & falsam de Dei attributis doctrinam tradit. Effare & ostende, si poteris.

Pag. 30. Venenum, quo surges, exspiras & exhibilas serpentis instar in Theologum eminentissimum, cui aliquam præfationis partem falso adscripisti ante. Fallo quoque, asseris Philosophum docere Philosophiam Cartesianam, aut publice aut privatim. Lectiones contrarium testantur. Diversi vero generis ac genii esse Philosophiam suam & Aristotelicam negat ipse *Cartesius part. 4. Philos. Aphorif. 200.*

Pag. 31. *Qui Physica & Metaphysica disputat cum ad Logicam & Ethicam tantummoda se vocatus.* In docendo Philosophiæ Professoribus certi sunt positi limites, in Disputando non item. Sed per Universam Philosophiam unicuique disputare est licitum, citra ullam *moderationis* notam, quam objicis inepte & intempestive. Tu hanc labem vide ut abs te abstergas, qui in *diff. Theol. curriculo* tuo, de rebus Physicis sub titulo de *Creatione*, de animarum pluralitate, sub titulo *quæsito*

quæstio de unitate animæ Christi, de divisione entis in ens à se & ab alio, in titulo de Deo, & in analectis de mundi eternitate, terræ stabilitate, & aliis rebus Philosophicis, disputas ita Philosophice, ut nullus sæpe scripturæ locus in eorum disputatione, vel audiat vel videatur: nosti ipse jam binis lictoris à Deputatis Ord. Holl. te monitum, ut ea, quæ magis sunt Theologica, disputares.

Ibid. De thesauro fulsissia.] Scilicet Ipse sapio solus, reliqui volitant velut umbra. Sapientior tu longe, si cani sapientem reddunt: sed non semper canities sapientiam est comes, nec hæc illi. Bis pueri feneas.

Pag. 32. Novis ac periculosis opinionibus.] Quenam illæ sunt, probandum est semel. Hoc opus hic labor est. Novitatis & periculi titulo opinionem aliquam in Philosophia dicere suspectam, cujusvis est, sed probatum id dare, non item.

Ibid. Nulla usus sum acerbitate ut mos est meus.] Quam tibi mos sit agendi absque acerbitate, præter alia, hæc ostendit Calumniarum adpersio.

Pag. 33. Titulos non fers Cartesio ex meritis & vere datos, & Anonymum assentatorem vocas: at talis est, qui in non merentem eos confert: hoc factum ostendo.

Pag. 34. Postrema.] Thraconismi tui & jactantiz insignia exhibes emblemata, ac Cartesium, Theologum, & præsertim Philosophum ad certamen provocas, miles gloriose. Si aliquod Cartesii dogma refutandum tibi sumisses, jam responsum ab eo tulisses. Sed quia cavillaris tantum & calumniaris, contemptum mereris, non responsum. Philosophum quod spectat, non difficile ei foret malam fidem & ignorantiam tuam prodere in tuo Considerationis libello, si liberet. Quin nec meipsum ei rei imparem habeo, sed eadem facilitate Cartesium liberarem à calumniis in Considerationis impaetis, qua Philosophum nunc liberavi ab iisdem in Adpersione tua adpersis. Sed nec Cartesius nec Philosophus meo hic eget auxilio.

Pag. 35. Adjungis tuæ Calumniarum adpersioni, ut omnibus modis Philosophum denigres, & inconstantiam ei exprobres, & odiosum eum reddas, Disp. de principii cognoscendi habitam, 1646. 16 Julii. At nihil agis, homo suavis; nam solius exercitii gratia, quod titulus Disp. indicat, Præsidium Philosophum commodavit, Thesum author fuit Resp. & eodem anno fatetur Philosophum alias, de Primo Cognoscendi, disputatas à se in contrarium. Sed ille ita omnium pro & contra (ut loqui solemus) argumentorum robur, propriique ingenii vires experiri voluit. Nunc te missum facio, & vide ut melius abstergas maculas tuas, D. Repurgator, quam hoc libello fecisti: sed enim auxisti, dum in Fratrem & Collegam ita acerbè invecus es: sed condonandum id est tibi: impos animi fuisti: artisti iracundiæ.

F I N I S.